

包氏醫宗

第一集 第四卷

傷寒論講義

下



△內科傳染病學

中華民國十九年一月出版

包氏醫宗第一集目錄

卷之一

傷寒論章節

卷之二

傷寒方法

卷之三

傷寒表

卷之四

傷寒論講義

卷之五

傷寒方講義

(第一集售銀伍圓)

一冊

二冊

一冊

一冊

一冊

包氏醫宗第一集第四卷

傷寒論講義

著作者

閩杭包

識

出版者

包氏醫宗出版部

總發行

包氏醫宗出版部

上海北泥城橋新開路
口鴻祥里二二四五號

代售處

各大書局



辨陽明病脈證篇第二

陽明病總論例第十一

裏病總論章第二十五

燥病三綱法第一百八十

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便胃中燥煩實大便難是也

講

問曰

陽明何以有三種

答曰太陽少陽之轉致各有輕重之別故有三種

問曰

何爲脾約

答曰

太陽轉屬陽明化有燥熱燥熱內熾脾陰先竭中氣不能佈化則脾爲約約者脾陰枯竭大便鞭腹滿痛中氣約束不能運轉之謂也

問曰

何謂胃家實

答曰

家者陽明胃經所統屬之地也胃家實者胃經所統屬之地皆有宿食燥屎燥氣燥血

結實不通如腹鞭痛潮熱燥屎譖語脈大舌燥等症是也

問曰 何爲胃中燥煩實大便難

答曰 因發汗利小便津液已涸胃中乾燥實而煩大便不易解也

此言陽明燥病有輕重之分別三綱法也按陽明爲三陽至內之位其爲病必假表與半表裏而入然其太少轉致雖成燥病而燥病中又當分別陽熱之強弱也大概誤治傷液轉燥其病輕風寒傳變化燥者其病重觀此三綱以少陽爲最輕不過大便難煩實而已太陽又稍重其脾已約而不行必有脹痛便鞭之症至正陽則大實爲完全歸府之燥病也故先師作調胃小承大承卽爲三綱而設也

燥金爲病法第一百八十一

陽明之爲病胃家實也

謂謂
問曰 胃家實何謂

答曰 解見上法

義

此言陽明燥金爲病之法也夫各經爲病皆有兒症而此經獨無者以燥病最注重者爲實字不實則不能成承氣症也不實則不能服承氣湯也不但不實不能用承氣卽有半數之實症

亦不能用承氣必須胃家所屬之脈症皆實而方可稱爲陽明燥金之病也所以本篇總論比各經爲獨多本篇治方又比他經爲獨少也

太少轉致燥病內實法第一百八十二

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也

謂問曰太少轉致陽明不更衣內實大便難何謂

答曰不外津液已亡邪從燥化不更衣者古人入廁當更衣也今不更衣卽不大便不大便卽內實內實卽大便難大便難卽爲陽明病也

義此言燥病內實症之法也夫陽明有內外症之別合內外症卽爲胃家實也若病內無外有外無內有皆不得謂之胃家實也陽明燥病之內症以便難爲主便難卽燥屎燥屎卽內已實也

燥病外實法第一百八十三

問曰陽明病外症云何答曰身熱汗自出不惡寒反惡熱

謂問曰陽明病之外症何以爲身熱汗自出不惡寒反惡熱

答曰 身熱則邪從燥化邪化燥則汗自出汗出則表解而惡寒罷惡寒已罷則寒水盡除而燥熱獨盛故反惡熱也

義 此言陽明外實症之法也夫陽明外症以惡熱爲主內症以便難爲主惡熱卽潮熱之甚也其熱已潮則汗自出而惡寒罷外惡熱內而便難內外症俱現則正陽陽明之病成矣然陽明之內外症又當特別注意者也

表邪自罷法第一百八十四

問曰病有得之一日不發熱而惡寒者何也答曰雖得之一日惡寒將自罷卽自汗出而惡熱也
講 問曰 痘有得之一日不發熱而惡寒者何也何謂

答曰 痘初得之第一日必經太陽之皮毛而入故一日必有寒至二日乃陽明之值日則不惡寒也故答曰雖得之一日若邪從燥化其惡寒卽將自罷卽自汗出其表邪罷而惡熱也

義

此言表邪自罷之法也觀此法惡寒惡熱二症作極端之比論可知寒熱爲表裏二經之主症也夫太陽以寒爲主故曰寒去表已罷陽明以熱爲主故熱退裏自和也少陽在一經之間故出則爲寒入則爲熱故爲往來寒熱也

裏邪自實法第一百八十五

問曰惡寒何故自罷答曰陽明居中土也萬物所歸無所復傳始雖惡寒二日自止此爲陽明病也

問曰陽明居中土萬物所歸無所復傳何謂

答曰陽明爲三陽之裏居中宮屬胃土爲陽經最內之地故傳至陽明則邪無去路也

問曰二日自止何謂

答曰二日陽明主氣之期也

義此言裏邪自實之法也夫裏邪自實則表邪自去雖一日未罷至二日陽明自主之期得氣之助則燥熱立成惡寒自罷矣

陽邪轉燥法第一百八十六

本太陽病初得病時發其汗汗先出不徹因轉屬陽明也

問曰發汗不徹何以轉屬陽明

答曰餘邪未盡津液已耗故邪從燥化也

義此言陽邪轉燥之法也按以此法承太陽表病例四十七法之義而言發汗汗出之後可轉屬

陽明病也

陰邪轉燥法第一百八十七

傷寒發熱無汗嘔不能食而反汗出濺然者是轉屬陽明也

問曰 傷寒發熱無汗嘔不能食而反汗出何以卽轉屬陽明

答曰 陰邪侵胃則嘔不能食陰邪本無汗而反汗出者邪從燥化故曰屬陽明

此言寒轉陽明之法也按上法言汗出而不徹能轉陽明是先有汗而後無汗也此法不汗出而反汗出亦轉陽明是先無汗而後有汗也一則先傷液而後化燥一則先化燥而後津液乃涸汗雖相反化燥則同也

經氣相傳法第一百八十八

傷寒三日陽明脈大

謂

問曰 傷寒三日陽明脈大何謂

答曰 三日少陽主氣之期也至三日而脈仍大者燥邪不由經氣而傳至少陽也故曰傷寒

三日陽明脈大



南京中医药大学图书馆版权所有
164

義

此言陽明病由經氣傳不傳之法也按太陽篇經氣相傳法已以明文言之此篇則不以明文而且反襯其義曰三日脈大也

表裏相傳法第一百八十九

傷寒脈浮而緩手足自溫是爲繫在太陰太陰者身當發黃若小便自利者不能發黃至七八日大便鞭者爲陽明也

問曰 傷寒脈浮而緩手足自溫何以爲屬在太陰

答曰 傷寒之脈浮緊今反浮緩者已由寒而化濕也太陰屬脾土主四肢故手足自溫是爲屬在太陰

問曰 太陰何以身當發黃

答曰 太陰屬濕土濕土化熱則身體發黃也

問曰 小便自利何以不能發黃

答曰 濕有所去也

問曰 至七八日大便鞭爲陽明何故

答曰 七八日又值陽明主氣之期由濕化燥大便已鞭故爲陽明也

義

此言表裏相傳之法也按上法用反筆說經氣傳之意義此法亦用反論而言表裏相傳也故先由寒而傷脾由脾再傳胃也又按太陽傳經二法俱用順傳陽明二法皆用逆傳也此又爲先師變化之理論也

寒傷燥金法第一百九十

傷寒轉屬陽明者其人濶然微汗出也

問曰 此法與一百八十七法同意何也

答曰 立法也

義

此言傷寒轉屬陽明之法也按此法已詳於上以爲下法作比例也

風中燥金法第一百九十一

陽明中風口苦咽乾腹滿微喘發熱惡寒脈浮而緊若下之則腹滿小便難也

問曰 陽明中風何以口苦咽乾腹滿微喘發熱惡寒脈浮而緊

答曰 口苦咽乾少陽症也腹滿微喘陽明症也發熱惡寒脈浮而緊太陽症也

問曰 下之何以則腹滿小便難



南京中医药大学图书馆版

義

答曰 表症半表裏症未罷故不可下下之則傷裏故腹滿小便難

此言陽明中風之法也按上法寒傷燥金文簡意略者前數法已一再論之也此法詳論中風之病狀由開而樞而闔三經俱傷邪也又按陽明中風而現表症半表裏症者陽明居膈壳之裏其中風也必經太陽之皮毛由頭項再經頸脅入腹故現表症之發熱惡寒脈浮緊半表裏之口苦咽乾裏病之腹滿微喘也其中風之脈不緩而緊與大青龍症風極似寒之理同也然陽明雖屬裏症可下之而表症未罷不可下也下之則傷裏而腹滿小便難也如此三陽合病之症不但不可下卽汗吐火亦不能用非以三陽合病之方治之必墮事也

風寒虛實法第一百九十二

陽明病若能食名中風不能食名中寒

講

問曰 陽明病何以能食爲中風不能食爲中寒

義

答曰 風爲陽邪陽熱入胃故能食也寒爲陰邪陰寒入胃故不能食

此言以風寒之陰陽定胃經之虛實法也夫胃爲陽土得熱則消化得寒則停滯消化則能食停滯則不能食爲物理自然之道也傷寒胃症先師常用乾薑者卽此理也由此法之總綱再起下文之胃陽虛實法也

胃府陽虛法第一百九十三

陽明病若中寒不能食小便不利手足濶然汗出此欲作痼瘕必大便初鞭後溏所以然者以胃中虛冷水穀不別故也

講問曰 中寒不能食小便不利手足濶然汗出何以此欲作痼瘕

答曰 中寒則胃冷胃冷則不能食而水穀不別寒侵太陰則水道不利而脾氣上逆故手足汗出也痼瘕者尿水同泄之病也

義此言胃府陽虛之法也按陽虛則胃寒而不能食食則不消化而痼瘕作矣此胃陽虛弱之所
以爲下利根源也

胃府陽實法第一百九十四

陽明病欲食小便反不利大便自調其人骨節疼翕翕如有熱狀奄然發狂濶然汗出而解者此水不勝穀氣與汗共併脈緊則愈

講問曰 陽明病欲食何以小便反不利大便自調其人骨節疼翕翕如有熱狀奄然發狂濶然汗出而解者此水汗出而解

答曰

陽明病能食則胃陽實強實當小便利今反不利大便自調非胃虛之痼瘕爲胃陽

之太過故翕翕有熱奄然發狂濺然汗出乃陽強陰弱水由上出而爲汗而穀氣勝水

氣故病自愈也脈緊則愈穀氣盛也

義

此言胃府陽實之法也夫陽明病有陰陽虛實之症陽虛則下利陽實則便難上言陽虛陰盛而作下利此言陽盛陰衰而作汗出是陽明之愈劇當以穀氣水氣之強弱爲斷也然陽盛固爲胃強之好現象又不能太過太過則成燥病而爲承氣症也不及則成土寒而爲中寒症也

實反虛從法第一百九十五

陽明病欲解時從申至戌上

講

問曰 陽明病欲解時何以從申至戌上

答曰 陽虛得陽則病愈

義

此言陽明虛從之治法也按三陽主時少陽最早太陽居中陽明最遲爲申酉戌三時也此三時屬日晡之候陽明之虛症固得此時而愈而陽明之實症又逢此時而劇也故曰日晡所發潮熱者屬陽明也宜承氣下之先師雖未明言實反然在太陽已詳論其理讀者宜三反之也

胃虛忌攻法第一百九十六

陽明病不能食攻其熱必嘯所以然者胃中虛冷故也以其人本虛故攻其熱必嘯

問曰 不能食攻其熱何以必嘯

答曰 不能食爲中寒中寒則胃冷胃冷攻之則胃陽亡陽亡則作嘯此言胃寒不可攻之法也夫陽明病雖以三承氣爲主方然三承氣對胃家實症而設若胃虛寒者當以理中爲主斷不能以實方治虛病也

脾虛忌攻法第一百九十七

陽明病脈遲食難用飽飽則微煩頭眩必小便難此欲作穀疸雖下之腹滿如故所以然者脈遲故也

問曰 陽明病脈遲食難用飽飽則微煩頭眩必小便難何故

答曰 遲爲在臟爲寒脾病虛寒則飲食入胃不能消化若過飽則脾經之消化力益弱三焦之氣俱不佈化故有中焦之煩上焦之眩下焦之小便不利也

問曰 雖下之腹滿如故何謂

答曰 痘在臟而攻其腑故腹滿如故也

此言脾虛不能攻胃之法也上法言胃虛固不能攻此法言脾虛之病攻胃亦徒勞也按脾虛

食不消化故飽則三焦之氣不舒三焦之氣不能佈化則一切水濕停積中宮而作腹脹身黃
之穀疸也

三焦陰陽俱虛忌攻法第一百九十八

陽明病法多汗反無汗其身如蟲行皮中狀者此以久虛故也

問曰 陽明病何以法多汗

答曰 热實則汗自出汗出津液涸津液涸方能化燥也

問曰 反無汗其身如虫行皮中狀者何也

答曰 三焦之陰陽俱虛則週身之津液氣血不足之故也

此言三焦陰陽俱虛之忌攻法也夫陽明屬胃土爲水穀之海週身津液氣血皆賴胃土之佈化胃強則飲食強進而氣血充足今不足則胃虛可知胃虛則必不可攻也

中焦陽虛忌攻法第一百九十九

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛

問曰 陽明病反無汗而小便利二三日嘔而欬手足厥必苦頭痛何故

答曰 反無汗者陽虛小便利陰盛也二三日嘔而欬者胃陽虛而作嘔脾陰盛而作欬陰盛則手足厥陽虛則苦頭痛也

問曰 不欬不嘔手足不厥者何以頭不痛

答曰 陽升陰降故也

此言中焦陽虛之忌攻法也夫中焦爲陰陽升降之樞陽虛不能升陰格於外故內嘔而外頭痛內欬而外手足厥逆也按頭爲諸陽之首四肢爲諸陽之末陽氣不能外達故頭痛而厥逆陽反鬱於內故嘔而欬也然陽能升而陰能降則必不欬不嘔手足不厥而頭必不痛也

中焦陰虛忌攻法第二百

陽明病但頭眩不惡寒故能食而欬其人必咽痛若不欬者咽不痛

問曰 陽明病但頭眩故能食而欬何以其人必咽痛

答曰 頭眩陰虛也不惡寒陽盛也陽盛則胃強胃强故能食胃陽內熾陰液被灼故咽痛也

問曰 不欬何以頭不痛

答曰 陰降陽升也

此言中焦陰虛忌攻法也按上法言中焦陽虛陰盛不能攻胃此法言中焦陰虛陽盛亦不能

攻胃之法也陰陽虛不能攻者恐正氣被傷也蓋攻藥祇可因邪而設若正盛正虛誤攻則多
債事也

下焦陰虛忌攻法第二百零一

陽明病無汗小便不利心中懊惱者身必發黃

講 問曰 陽明病無汗小便不利懊惱何以身必發黃

答曰 無汗而小便不利下焦之津液涸也津液涸則陰虛陰虛則心中懊惱而陽熱刑陰血
脈受損故身發黃也

義 此言下焦陰虛忌攻法也夫陽明病無汗應小便利今小便不利而心中懊惱則陰虛可知陰
虛陽必盛陽盛血必枯血枯又必發黃也

下焦陽虛忌攻法第二百零二

陽明病被火額上微汗出小便不利者必發黃

講 問曰 陽明病被火額上微汗出小便不利何以必發黃

答曰 陽明病被火則傷陽陽傷則陽浮而額上汗出額上汗出則下焦無陽而小便不利也

